

評選

直省閨藝大全

恩科

光緒癸卯

評選直省聞藝大全卷五

學堂宜設國文專科策

十二名步翔案

積重難返
我心惻惻

夷狄之有
學不如諸
夏之亡

中日同文
中學何以
不如日本

滔滔皆是
誰與易之

學句

中心藏之
何日忘之

中學之大弊莫患於曲駕旁馳務於淹貫博博之名而卒不能精一術明一藝以求實效之歸雖學術有升降文教有隆污時勢為之不可強致抑亦倡者不明習者不察陵夷衰廢以至今日也今夫達雖密通可以朝夕至苟四道並趨行必不達而守一不攻者雖萬里無阻也方當寰海交會時環球之地魚窟鳥道之國馭言夷面之人陵厲勇悍不可馴化之性文教既闕皆能以所狃自勝吾中人居天地之中禮樂冠裳之域聰明穎異靈秀智慧之民漸習於文章軌物儒雅通明之化而清亂惶惑獨思其中衷為國家者將何如宜有所振興之倡引之使名實俱修然後治可行教可遠而政亦賴以不敝是故強國之本莫先於學興學之道無過於專泰西諸國若英若法若俄若德有一國之學即有一國之文法虛之喬然與頑皇爭烈日本一東瀛島國耳開闢以前二三學子類多研求訓詁精探名理於許鄭程朱之遺緒皆微有其一得觀其所撰著可知也三十年來漸染歐化衣冠制度從之而靡獨其於本國文字珍重護惜保存國粹提倡宗風雖有所鑒而然亦安知非前之儒者服習吾中華聖人之教其遺澤流行布道以有此也今中國文敝極矣咫聞之士懷握鉛槧影響附會穿鑿支離擇焉不精語焉不詳言格致者事物之不辨談經濟者掌故之不通其甚者詭譎造作言語私立名字迷亂耳目豈非學術寢微士失其教使然乎非有專科烏足振之夫鑽述古訓道不病於因變置時宜事不嫌於創主持斯政者固亟宜別其科條定其宗旨使學者專一為之由粗以達精舉體以達用日淬月厲務要其成期至盡善盡善而文教速軼漢唐而上風化所訖使諸國自然服畏知中人歷古相傳之學不僅空言而後可望同文同倫

評選直省聞藝大全卷五
光緒癸卯
恩科
策
順天

之治以上副

聖天子憂勤興教之心其効雖緩為機甚捷不可以其難而置之也

熟於操縱之法用筆如生龍活虎不可捉摸

學堂宜設國文專科策

十六名 陳世芭

一紙見血

妄談新法者之藥石

簡易二字是西人之通病

國於大地之上各私其土各子其民大者十餘小者數十一國必有一國之制度焉一國必有一國之精神焉文字者制度之所從出而精神之所由寄也是故國無文不立能以文立為科學教其國民者國必明必強不能以文教其國民者國必愚必柔文之於國其關係之重要固如是也泰西諸國學堂之內自各種科學外本國文字特立專科凡入學者無不習始基既立而後兼及他學其成功也易其收效也速文學彬彬稱盛美焉頃年以來朝廷因時通變加意育才令天下建學堂習西學此誠救時之良策也然創辦之初規制未精流弊往往不免欲求維國本而挽時趨為必不可緩之計者莫如增設國文專科一事乃者嗜奇喜新之士見異思遷背道而馳惑於新學之名詞捫拾彼學之糟粕倡為謬悠之談謂西人言文勝我遠甚甚者乃謂欲變法自強當自破壞中國文字始於戲何其偵也夫中國自有制度非文字何以維繫之自有精神非文字何以發揚之變法云者取彼之長救我之短可也并我之長而棄之不可也學彼之新輔我之舊可也并我之舊而亡之不可也或謂中國之文主乎義語言與文字分其為文也繁而難通西國之文生乎音語言與文字合其為文也簡而易行遂不免有揚西抑中之見不知西人事事趨於簡易故言文亦簡易習為固然成為國俗欲以施之中國其乖舛而難通也決矣且中國文字孳生最早含義至博數千年來聖賢之精理歷史之大端皆賴之以傳今一旦而破壞之是自摧毀其制度銷滅其精神也惡乎可今日之善變法者莫如日本日本學堂皆有國文專科其於西法也無乎不

企于望之

靜氣迎人

至理名言

有述

往司可入
錦囊

效雖至改服色而不惜獨於國文則兢兢持守弗敢失墜通宋元日以保存國粹為主義此何故哉誠知其本也今亟宜仿日本之制各學堂皆宜別設國文專科以定學生之趨向以立諸學之根本庶幾顧名思義忠愛之心油然而生絕聖棄智之邪說或可漸絕則學術既端而才智自奮矣

悼百川而東之迴往瀾於既倒是天地大文

學堂宜設國文專科策

三十七 李景綱

中外交通以來握兵戰商戰農戰之原者以學戰為權輿而學必以語言文字為基礎考日本學校宗旨有歐化國粹二端歐化者所以開民智也然心醉歐風往往弁髦國學則亦何貴此誕妄不經之士哉夫義理為吾所同具彼亦何事居奇材力非彼所獨優吾亦何難競爽而況吾國文之精粹固如布帛菽粟之不可一日離耶雖然學堂林立未定方鍼或謂西文主質國文主文或謂國文為體西文為用以故嗜好所向見奪新奇神志不專難通奧窔邯鄲學步何殊北轍而南轅哉今誠設立專科與西文分道揚鑣不相躐越而凡聖經賢傳諸子百家擷彼精華供吾陶寫固已扶天地之精奧極古今之大觀而猶鄙吾國文為空疏無用也豈通論哉竊嘗論之有國文可以固德性夫吾人俯仰斗室曾不能橫經卻敵投筆從戎西人肆口譏之宜也然六經為賢聖階梯歷史為經綸淵藪豈昔金玉而今土苴哉國文興則千聖之傳百王之法與夫綱常名教炳若日星非特鍾儀冠楚莊為吟越故土之不忘亦純品所由立也彼倡民約之新談持自由之邪說煽惑一世誤我民生其禍可以熄矣且可以善譯才夫岫嵎一碑風雨消磨乎蚪蚪岐陽十鼓煙雲剝蝕夫蛟鼉况乎地隔重瀛語經遠譯旁行斜上倉頡造字之所無會意象形叔重說文之所佚者哉所以利瑪東來懷仁西至關儀象之術譯輿地之書而吾中國金匱石室之藏竹簡

瑤瑤所錄初不聞盛行於西土者以譯才淺耳國文興則譯中書以貺西塾即以吾中國帝王之法聖賢之理折彼公法廣我敬宗昔西士有言百年後西塾當偏亞陸五百年後孔教當偏地球譯界廣亦昌我國文之一道耳總之西文之益在物力國文之益在人心然則學堂之設專科所以造就而宏獎之烏能已哉

運筆如曉風楊柳措詞如初日芙蓉

泰西商品以動植物為大宗畜牧以時培養有術與夫溫度雨量之差區域性質之別罔不精參密測洵為專書宜比較短長為商業求其補助策

一名梁庭華

商業之賴乎動植物如木有本水有源也本固則枝榮源大則流裕故泰西諸國講動植學者日精日密而商業因之以益興中華地大物博奔於地者甚多故海禁雖開商業不為生色且時形折閱支絀為良可惜也於此而欲挽回補救厥有三端曰試驗以求其宜物各有性每隨天時之寒暑地勢之燥濕為轉移強為變通必有弗良之慮故屏象河馬不畜於北糜鹿白熊莫育於南咖啡香稻熱帶而叢茂青苔杉樹水腫而低小性使然也於此而順其性未有不繁行者而商賈藉以計其贏曰存擇以美其種物各有質代趨微異而生肖其先無草木昆蟲同一妙理苟推惡而留善不數傳俱變其由來故有太華絲芒而後生嘉樹美箭有蛤螺蝦蟹而後多巨尾錦鱗質或漸以變也於此而擇其種本有不良美者而商賈藉以居其奇曰推廣以盡其利號物之數有萬而易生之物肥碩茁壯易地皆然果能珍域無分亦甚濟斯民之用是故美洲無馬來自西國澳洲無隴帶自歐船而番薯預自呂宋首霜自西域薏以自日南又中人所共知者也於此而推廣之雖非我國所固有而取之無盡商賈不至左支而右絀三端者備再能廣

物性一層

物質一層

物數又一層

推行以盡其義

開博物會集指於格致者講求新理凡絲茶木棉以及大黃畜毛之項屑凌雜必使日精日密而後已則庶有補於商業乎

三峯鼎峙詞意堅卓筆亦脩潔

泰西商品以動植物為大宗畜牧以時培養有術與夫溫度雨量之差區域性質之別罔不精參密測泐為專書宜比較短長為商業求其補助策

四十七 業應鑒

無費苦心

中儒不談樹畜得毋為西人所笑

商與農相表裏者也商業衰而農業不獨盛農利絀而商利亦不獨饒此環球之公理也泰西商務馳騁五洲揆入所由皆原農政國家設農部以攬大綱設農藝博覽會以考物產復設農科大學以習專門而士之講求實學者皆厲摻以務博研究以務精試驗演習以求其確不可易自英儒達爾文物種探原之書出而動植物之學愈精識者謂其功不在奈端氏之格致天算下以故言畜牧則分為喂養之法醫療之法蹄鐵之法剪毛製革之法於培養則分為禦寒之法糞田之法電耕之法擇子傳種之法落實取材之法要以辨溫度計雨量別區域剖性質為初基今取其書讀之並歎泰西之所以坐致富強者皆學問之所從出也夫中國物產甲於五洲者也自神農后稷始辨物性商鞅管子皆以農業助霸圖太史公貨殖傳於都會品物之饒種植畜牧之事言之綦詳孟子儒者尤殷殷於田桑雞彘山林魚鼈之事自是以後士與農分國計民命一付諸野老村夫之手而國日以弱以貧無他未知取各國之物產新法以相比較亦烏知其短長哉今中國之所長可畧言矣北方苦寒之國宜畜牧南方燠熱之國宜種植中國在壯緯五十度內寒暖得宜故以畜則盛以樹則繁北口以外多園牧場南方澤國魚塘錯雜黃河南北茶棉遍隴江南嶺表桑麻鋪築加以土地廣闊人民勤儉物產之富不外求而自足此載籍所豔稱眾口所欣

遠運宏富
如教家珍

借法致富
不假思索
顧中國共
勉之

以士為農
庶有學問

開門見山

羨也。若夫墾地而不知化學採山而不知礦產蠶之病也。何以別其種羊之瘟也。何以防其萌黔滇多山。何以少量牛馬之山谷。燕齊瀕水。何以鮮插稻米之水田。推之代北之佳果。造酒之材也。而不知燕。則稻梁為糜矣。荆吳之木棉。織布之資也。而不精紡紗。則洋布充牣矣。有毛而不知為繒。有皮革而不知為器。其始也輸之外洋。不足以為重。經其製煉。又輒以售我。則利市三倍。此出生貨而入熟貨。斯密亞丹所舉以為大忌者也。然則吾之所短。不又重可知乎。嗚呼。中國之齊民要術。農桑輯要。其初非無專書也。自後世農不知學。然後其書乃與神農野老董安國汜勝之。列於內部。謂為農家焉爾。新理日出。吾中國守吾之說。猶懼不能戰勝。況乎其不知守耶。然則欲謀補助。必輯書以勸農。不待言矣。抑嘗論之。中國農國也。以中國之物產地。利經而營之。藉他人之成法。以裨益吾之聰明。不數年間。商品日盛。商業日興。可使富甲於五洲。而強亦隨之。而吾中國之士。則固號吾國為重農之國者也。知其重而不知其所以重。一任農之自耕自耨。不知有畜牧與培養。於是農困而商亦困。豈不重可惜哉。然則如之何而後可。曰。必請以士為農始。

將中西商學比較優劣絕無一處躲閃理扶質以立幹文垂條而結繁

與相梅特淫普相畢士馬克兩人均以才智雄畧佐成霸業其政策設施試詳其梗槩策

十二名步翔策

一代興王之崛起與夫喪亂之後而出奇制勝以圖恢復之大功。方其時必有俊傑廉悍堅忍果斷之人。相與戮力而卒成其事。其為法殘戾嚴酷。其為政凌厲鷙張。未嘗不酷類傾覆家國者所為。而成敗異數。功業相反者。悍鷙之才。猛戾之氣。足以陵駕震駭乎一世。而天下為之懾服不敢動也。夫執挺而無故毆。

光緒萬丈

用才智雄
客入往往
如此

用才智雄
客入往往
如此

發出正論

人即弱者不受而猝乘其不意而猛叱之雖强者且辟易也嘗攷西事而見奧相梅特涅普相畢士馬克
之立功蓋大類此夫二人者以才智雄略能斷大事佐其主成霸業事功之盛表著歐西皆所謂興朝之
偉烈龍亂之能臣鷹鷂之才而熊虎之姿也方歐洲千八百年間為西方鼎新革故之一大樞紐而奧主
翻西獨欲以大力爭勝其間然無教頑民不遵王制號令所發遏阻不行梅特涅於斯時持其大政攬其
鉅權尊主威抑民氣鄰國政方患陵遲而奧皇獨能雷厲風行傾倒一世取威定霸舍奧而誰然陵虐
毒恨奴民以立功削鑿元氣固亦不少普之敗於拿破崙也國亡民散家破身虜所謂君辱臣死時也而
普之君臣攘垢忍恥為法臣妥諸國憐之假以醜地使為附庸乃能三年生聚三年訓養三年報政三年
成軍卒能洗憤雪讎盡反故地勇矣哉雖句踐滅吳之功燕昭破齊之戰不是過也而畢士馬克為經營
擘畫創制修補禁報館擬約章君威以立國基以固蓋在當時功無與並矣然刻薄寡恩不恤民怨謗訕
交起幾釀大災是以二人功烈往往相似攷其施設類皆雜霸術賴於商君吳起者流殆儒者所不道
獨其尊主抑民之法實為西洲要政而亦萬古經常之理之所莫能改也其在易曰陽一君而二民君子
之道也陰二君而一民小人之道也從君子之道則君權之所由貴從小人之道則民主之必終危天澤
之辨否泰之幾聖人於此有懼心焉荒遠之臣所識及此良足多矣然二子非忠盡其孰能發名成業以
康國祚於綴旒者乎

觀定才智雄略四字抑揚軒輊適如題分字字華嚴法界來

書籍報章持論貴乎平正若誣及朝政有礙治安者實為煽亂之根試詳言一律嚴禁之法以正人心而

維風俗策

第二十名趙宗汴

善哉世變

牛渚燃犀
百怪畢現

中人托西
人罪更不
容誅

若貴語何
堪卒讀

大易有言曰：君子以自強不息，強之為義大矣哉！一身不強，則自立之事不行；一家不強，則自守之道不固；一國不強，則自主之權不伸。夫至於主權不伸，則百官弛其職，萬民肆其奸，敵國外患，啟其侮。於是欲誅民之肆奸，則百官隱忍之粉飾之，而民不可誅；欲詰官之弛職，則敵國外患保護之要挾之，而官不可詰。嗟乎！如此而欲正人心，維風俗，不難哉！且夫人之心，風俗之壞也，亦壞於書籍報章而已矣。書籍報章之壞，亦壞於持論不正而已矣。是故於評論謗議之書籍，作而人心一變；風俗一變，支離怪誕之書籍，作而人心一變；而風俗一變，謗毀誣亂離抵牾譏諷流狂悖之書籍，作而人心又一變；而風俗又一變，變之不已，則雷動雲合，魚鱗雜沓，胥天下而日胥於巧偽矣。是故蠅咬鄙陋之報章出，而人心一變；而風俗一變，驚叱侗喝之報章出，而人心一變；而風俗一變，辯駁攻擊，姍笑怒罵，猥鎖齷齪之報章出，而人心又一變；而風俗又一變，變之不已，則殷殷璫錯，僥僥聚攖，胥天下而相接以狙詐矣。夫如是，則書籍報章尚可任其橫行無忌乎？尚可不嚴禁之乎？然而嚴禁亦正不易矣。何則？夫作書籍者，其作於中人乎？作於西人乎？抑中人而託於西人乎？中人則可禁，西人則不可禁；中人而托於西人，則可禁，而仍不可禁。夫出報章者，亦出於中界乎？出於租界乎？抑中界而指為租界乎？中界則可禁，租界則不可禁；中界而指為租界，則可禁，而終不可禁。不可禁，則煽亂之根不能去，而人心安可正？風俗安可維哉？然則如之何而可？曰：欲弭亂根，則必先絕報章。欲禁書籍報章，則不得不嚴其律，欲嚴其律，則不得不先圖自強。夫果能自強矣，則自主之權伸，則百官振作，萬民善良，敵國外患亦莫不陸壘冰慄，矯首抗足而來庭矣。微論中人租界可禁，即西人租界亦無不可禁矣。正人心，維風俗，顧待問哉？不然，以嚴禁書籍報章之故，遂成交涉之棘手矣。以嚴禁持論之人之故，又將以兵戎從事矣。匪惟治安之不可期，而煽亂之根復熾，並自強亦難圖矣。正人

心維風俗其亦三復大易之言而不息可也

探原立言顛撲不破一切嚴禁之法收效自速原評

泰西皆設商部而輔以公司以鐵路輪船為轉運之樞紐以銀行報紙為流通之關鍵而又郵電以速之

學校以教之中國振興商務先後次第宜如何規摹西制策

第二十七趙宗汴

思乙乙其
若拙

東洋商務
與西洋戰
再與東洋
戰

中國當
泰西而上
之

以商學商者強以商戰商者強戰商者未嘗不學而必不若學商者之學學商者未嘗不戰而終不及戰
商者之戰何也戰商者以戰為主雖或學其精意而不學其糟粕故每出一物以與之抗皆彼所不及防
所謂青出於藍而勝於藍也學商者以學為主雖或戰其偏師而不戰其勁旅故每製一器以與之倣皆
彼所不屑出所謂取法乎上僅得乎中也今夫泰西諸國皆以戰商為重而不以學商為重者也何見之
吾於日本之規摹泰西也見之夫日本既學泰西矣則日本出口之貨皆必泰西所有矣而乃東洋之器
遠勝於西洋而講求商務如英者且為一跌則戰商為重可知矣至於泰西諸國設商部於內建公司於
外內助以權外輔以本可謂善矣然猶恐其貨物之壅於行也故築鐵路以轉輸之造輪船以運運之而
貨物不壅矣猶恐其價值之緩於濟也故設銀行以流布之出報紙以通達之而價值不恐矣猶恐其信
之遲遲也故傳郵電以迅速之而信不遲矣猶恐其法之陳陳相因也故開學校以教授之而法不陳矣
噫夫如是也則泰西振興商務之道不幾高矣美矣嘆觀止矣中國不欲興商務則已如欲振興商務舍
西人其誰規而誰摹哉而吾獨不謂然也何也以商學商者弱以商戰商者強也夫中國至今日亦積弱
甚矣而猶不欲圖強而自安於弱哉且夫泰西之法姑無論其不能學也即使我能學矣學而至於泰西
矣則亦泰西而止矣夫泰西之商務豈臻商務之止境耶吾恐其未必然也吾故以為與其學商不若戰

推陳出新
中國商務
不但宜與
西洋戰並
宜與東洋
戰

重商不重
商利病立
見
學識
資本

商也所謂戰商者遺其貌而取其神舍其堅而攻其破廉彼之所短用我之所長未嘗不設商部也不惟其名惟其實未嘗不集公司也不惟其詐惟其信未嘗不造鐵路定輪船以為轉運樞紐也而必另有妙意行乎其間未嘗不辦銀行印報紙以為流通之關鍵也而必創有新章出乎其外未嘗不以郵電為傳布消息之用以學校為講習工執之所而必考其遲速別其巧拙而點涉之不得以具文視之也若是則研求日精製造日異出而與泰西戰于博物之場大賽之會則商務日興自強有效夫何屑屑於規摹西制也哉

整齊嚴肅如陸宣公奏議剴切詳明那能不令人聳聽原評

泰西皆設商務而輔以公司以鐵路輪船為轉運之樞紐以銀行報紙為流通之關鍵而又郵電以速之學校以教之中國振興商務先後次第宜如何規摹西制策

第三十四 童振藻

通常經濟之學有三科曰生殖曰分配曰交換農生殖者也工分配者也商交換者也生殖分配而不交換以一國之人養一國之財必慮不給生殖分配而復交換養一國之人用萬國之財何患無餘今試問英雄三島之地何以能握五洲之利權曰有斯密亞丹之提倡本重商主義以立國者也德合聯邦之眾何以不能操五洲之利權曰有沙耐非爾之提倡非重商主義以立國者也雖然商宜重矣無學識無資本無分布之川途無靈通之消息而商業亦不振商務亦必不興曷言學識之不可無也一商之經也必通物理學以考察之通會計學以比較之通理財學以經營之通地理學以轉運之此商務之宜先設者也學已成矣而無資本以輔助之固不可不多釀資本以輔之助之尤不可蓋商於內地資本少則可敷商於外洋資本多乃善賈資本多多於財力之足自來人之財力分之則弱合之則強於是可集公司

流通

流通語

經營

各項次第
舉行

聯學札

折衷

以廣招徠焉資本易多多於財用之裕自來人之財用拘于一時則財用之支絀見會其通則財用之利便多於是宜設銀行以期通融焉然學識宏矣資本充矣而分布或憂乎遲滯運轉莫見其流通消費固見其多時日或虞其誤此布兒河之輪船不能不行大吉嶺之鐵道不可不築輪船行則海洋破浪飛渡萬頃之洪濤鐵路築則天地通途馳徧八殲之大陸神速快利無通於此豈猶患消息之不靈通乎然而羅針木車則路謂之迷兵出夫機則路為之挫有報紙以達其情有郵電以通其信若者可往而獲利若者可留以待沽然後學識無誤用之虞資本無折閱之慮綜是數端第其先後商業之振商務之興盡於此矣不知商為要政無總理之大員則紛而難治商屬專門無特別之衙署則弛而難張況學校之建必經官以定其章程而規模乃備資本之積必有官以出為經理乃信是可行至若分布憂州途之險阻必有官以保護之而後無意外之虞靈通軍消息之傳遞必有官以襄助之而後無中阻之患此泰西以商立國者所為無不有商部之設也中國欲商業之振商務之興仿西制首立商部次設商學次集公司次開銀行次推廣輪船鐵路次增添報端郵電有條不紊不亦可乎近來請設商部者或謂司員宜多或謂兄員宜汰叩知西國有商務大臣與商務局長等官規制雖亦可考而中西異宜不如仿外務部之例以設官較為當耳至商學公司銀行輪船鐵路商報郵軍行省中間有設者設商務之後使各項事務隸於各省商局各省商局商部統而轄之事權劃一而聲氣即因之以聯不愈善乎然必通博通商學之人為商部之官釐訂章程編纂律例頒之各省商局實事求是庶不負我國家振興商務之至意乎

於商務次第條分縷析尤有心得原評

中國郵政逐漸擴充現郵路縱橫約若干里各項局所共若干處應否再事推廣並變通辦法以保郵權

策

第二十四季世瑣

中國貧弱之一端

若干里若干處運他証據

信局郵政並行不悖惟信局不若郵政之廢遂判權所在勿讓入先

西國有利於上利於民之一法為壽款一大宗歲入銀千萬兩行之各國而無弊者郵政也中國有不利於上不利於民之一法為耗財一大端歲費銀三百萬兩行之一國而久不變者驛站也自中國不改驛站而行郵政且不入西國郵政會英德法美日本諸國在租界中自設信書館此萬國通例之不能行者而獨行之於吾國郵政之所由失也光緒二十二年海關總稅務司赫德派法國人帛黎總辦郵政於是天津牛莊烟台福州廈門汕頭廣州瓊州溫州沿海數十里各設郵政局所重慶宜昌沙市漢口九江蕪湖鎮江上海沿江數十里亦各設郵政局所迨近年來行之內地逐漸擴充郵地之縱橫已擴至八萬二千餘里郵政之推廣已設有七百三十局所所未通郵者只甘肅蘭州耳再行之數十年內地不可遍設矣乎或曰內地之不推廣郵政民間之信由信局傳遞亦頗稱便雖然小民私函由局彙寄路僅百餘里費須數十文至若山河迢遞驛使難達僻壤遐陬行人裹足再如華人之旅居外洋新舊金山新嘉坡以及東南洋各島更復艱鴻阻隔人素鮮通郵政之宜推廣者此也今須仿西法設立郵政大臣毋使為稅務司兼轄以專我郵政之權且須商之強鄰中國亦入泰西郵政會更不使他國自設書信館以撓我郵政之權郵政之變通辦法者此也各國向設書信館於日本各埠今全行撤去郵政之利權毫無漏嗟乎東望扶桑而郵政之權挽回勿失何其盛歟獨我中國郵政之權寄之他人之手此固非空言所能有濟者亦在為民上者變通之而已矣

疎析詳明策書周到原評

中國郵政逐漸擴充現郵路縱橫約若干里各項局所共若干處應否再事推廣並變通辦法以保郵權

急宜變通之

波瀾不絕

又似看山不喜平

再回

妙絕

策

第三十五章 董振藻

世界有交通之國必護交通之益與交通之利交通之路有四曰航路曰鐵路曰綫路曰郵路航路鐵路便於貨物之運輸綫路郵路便於消息之傳遞中國鑒於各國交通之原遂廣開交通之路航路則川湘蘇浙等處皆行輪船矣鐵路則京信體易等處皆駛汽車矣綫路則津滬錦涼等處皆設電報矣至郵路雖不及綫路交通之廣較航路鐵路則過之何則中國嘉道間浙南創設信局商民便之尤緒二年總稅司因滇案請設送信官局郵政之行已兆其端四年北洋擬設於要地而不果九年十一年十六年十九年一再議定其章程至二十二年天津大沽牛莊烟台重慶宜昌沙市漢口九江蕪湖南京鎮江吳松上海蘇州杭州廈門汕頭北海蒙自龍州思茅等通商口岸始次第創設而此外如瓊州湖州溫州鎮海定海新浦梧州臨湘雲溪河口陸溪武穴大通江陰清江淮安寶應揚州信陽開封唐沽營口等處亦次第創設郵路縱橫不下數千里各項局所不下數十處開辦未及十年而逐漸推廣利益頗著便民裕國成效固昭所可惜者東南河道四通便於轉寄西北陸路萬靡艱於分投故東南之郵路交錯郵局分繁而西北如陝甘蒙藏等處設者寥寥西國即一村一鎮之間無不遍達況行省之要地乎此宜於推廣者一也尤可慨者內地聲氣易聯無虞隔閡外洋信息遠滯莫能靈通則內地之民或稱其便商於外洋者獨吾民可置之而弗問乎西國特設郵船泛重洋破巨浪不惜巨款體恤商情中國亦宜仿而行之此宜於推廣者二也雖然焉號善矣無前不可以致遠越舫快矣無水不可以濟川再事推廣而善夫推廣之法也可予善夫推廣之法曰宜修治道路西北水道罕通可附驛遞者附之不可不附者開路通輪修途泰站俾郵信易於遞送曰宜廣設海輪外洋境地窩濶可附洋輪者附之不可附者另立郵會購置數輪俾

以貴賤論
不以輕重
論立法其
公

虞周無害

無有一答
妙極

郵信易於通達二者行矣非無遺憾乎不知郵費時漲民苟受累而動輒閉歇無郵局處信即難通此價之宜定者也郵費按磅而徵輕者費少重者費多不問物之貴賤若貴者雖輕而取多重者雖重而取少不亦善乎此費之宜定者也况乎郵局雖設而民苟未裁雖恤民情亦礙郵稅若民苟概改為官局投遞需人仍可將此局之人錄用此局之定者也郵政之斟酌損益歸稅務司凡事商之洋員而華官難操縱自如若改設郵部官以理之不亦可乎此官之宜定者也變通辦理以保郵權其在斯乎近當道有欲仿日本遞信省之法設尚書一員管理各省郵務復改良章程夫日本認可小包各條例最為緊密未易驟行若欲改良章程可先將以上數端參酌而行之廣闊行省之郵路復入萬國之郵會定夫輕重郵之資設夫管轄之郵員郵法既整郵權既收然後再仿認可小包諸法以補直之不亦善乎至印花清單等件行之既久弊竇不生可毋庸改云

於郵政引證有斷制不涉模稜原評

近年攤派償款各省籌辦情形固有不同顧籌款非難而能得籌款之人為難即如鹽房糧膏等捐辦理稍有不善動輒欺壓勒派苦累斯民應如何慎選行法之人以安籌便民之法俾治人與治法相輔而行策

第三十五章振藻

問各國有戰敗議和償軍費而受虧累者乎曰有之卡魯達鄂之償款於羅馬面甸之償金於英吉利其已事也問各國有因戰累民籌要需而增賦稅者乎曰有之英吉利之行所得稅填地利之行直接稅其前鑒也問各國有增稅籌款因苛派而兆禍亂者乎曰無有也德意志雖征鹽酒之末而民不之怯法蘭西雖稅及烟屋之微而民莫之抗又明證也然則我中國偶因庚子一役償款甚鉅內府之帑不足不得

驅逐故軍
均是中西
並舉可見
積卷之富

畫龍點睛

圓到
水落石出

已派之於外省外省之帑不給不得已取之於小民於是川加鹽價粵開膏捐鄂定舖捐豫行房捐蘇起
房捐膏捐閩增糧捐房捐舖捐新定房捐糧捐酒捐而晉滇諸省之捐亦大畧相同散之則所捐之數雖
微合之則所捐之資亦鉅積水成淵願資挹注急公好義諒有同情意其中如楚臣之毀家法民之捐佩
都不乏其人何則內帑不足取之外府外府不給取之民士為不得已之舉非隋煬帝之窮後極欲以重
稅困民亦非拿破倫之好大喜功以厚斂苦民也民有天良豈不知之豈不思之然而舉市罷官長辱
矣巡局毀矣衙署焚矣如相如豫如蘇省曾見叠出此何故也豈民之無良歟抑官之所激與說者謂民
非無良也無良則捐之初起挾眾與抗其咎在民捐輸已久復生變亂咎豈在於民乎若夫官運通行之
例而苛派婪索則民之變由官之激各省辦法雖不同而捐例則未聞大相懸殊其受捐者非必因捐之
輕其抗捐者非必由捐之重咎歸於官官能任其咎乎然則咎將安責曰責之吏民第知輸捐以安吾業
而已而他非所敢為也官第知收捐以供急需而已而他非所能出也然民不能徑輸於官官不能徑收
於民不得不假手於書吏貪墨之心重不遂其私欲或故為留難或加以恐嚇或任意滋擾久之久之
二人不勝其憤憤之心以白之於數百十人數百十人亦不勝其憤憤之心以圖逞之於一二人而罷市
逐官等案遂紛然四起非此之謂而誰謂也雖罷市逐官之案不盡由是而亦未嘗不年出於是焉雖然
孰是說者其亦知胥吏貪墨自古已然無足責責仍在用是胥吏者之未能嚴明耳嚴以罰其罪明以燭
其奸胥吏必不敢從而滋事而況辦理不善或於豪吏而曲予優容或於良民而妄加責罰吏安得而不
橫民安得而能安是則定善款之法欲得善款之人非慎簡乃係用老成練達之人作事和平之輩不可
練達之人可知人而善任弭患於未然和平之輩可降心以勸導酌勢以徵收不至昏蒙不至激烈不至

本意又添
山一峯

還出時音

還出取地

還出新例

虎視眈眈
其欲逐逐
我中國何
以駕馭之

苛刻不至壓制如是則收捐之要重在委員委員之遴選在大吏當此償款以外患方平因捐而內訌迭起有識者懷殷憂焉為疆吏者不當慎簡賢能之員上能籌捐以應要款下思酌捐以恤民情俾外患平而內訌亦靖焉豈不懿歟

大聲急呼痛恨胥吏絕非鑒空之談原評

高加索為朔方何部譯皆有無他名俄取其地設有新例其例若何並設於何年策

名第二十四 李世墳

百年來好吞並小部落而據其地者其惟俄羅斯乎俄羅斯藩屬分為西伯利亞中亞西亞高加索三部高加索在亞西亞之西東抵裏海西連黑海南接波斯北界歐羅巴之東部長二千三百里濶一千五百里其地山嶺綿亘峯巒起伏壁立萬仞冰雪凝積譯音曰高加薩斯或作高甲俗坤輿圖作高加索而地理全志等書皆名為高加索全土共九部高加索蓋首部也其民種類不一語言互異風俗強悍性情猛勇元時為阿速屬地明以來高加索山南北並屬土耳其其所轄俄國於一千八百三十七年即我道光十九年佔高加索之一部一千八百四十五年拓地漸廣頒新例設總督予以行君之權管轄其地得節制文武吏治軍政一千八百六十四年全土入俄一千八百六十七年即我同治六年俄將高加索列為數省於此見俄人新例之技即於此見俄人吞併部落之無已也嗚呼俄人猛如虎貪如狼不能一日安者也自欲取土耳其以通地中海而英阻之欲得阿富汗以通波斯海而英又撓之遂翻然舍西而經營於東無何而西伯利亞鐵路成矣太平洋水師盛矣彈丸之兵日以集矣中亞西亞半隸版圖近復肆意於東三省軍隊駐紮遼約不撤而且約束彼兵丁撫愛我百姓招降積匪結納官場嗚呼卧榻之下他人鼾